

**CONVENIO DE COLABORACIÓN ENTRE A VICEPRESIDENCIA PRIMEIRA E  
CONSELLERÍA DE PRESIDENCIA, XUSTIZA E TURISMO, A FUNDACIÓN  
CATEDRAL DE SANTIAGO E A S.A.M.I. CATEDRAL DE SANTIAGO DE  
COMPOSTELA PARA O APOIO E REFORZO DA SEGURIDADE NO COMPLEXO  
CATEDRALICIO.**

En Santiago de Compostela, 18 de xuño de 2021.

**REUNIDOS**

Por unha parte, D. Alfonso Rueda Valenzuela, en calidade de Vicepresidente Primeiro e Conselleiro de Presidencia, Xustiza e Turismo da Xunta de Galicia, segundo o Decreto 112/2020, do 6 de setembro, da Presidencia da Xunta de Galicia, polo que se dispón o seu nomeamento.

E doutra parte, D. Daniel Lorenzo Santos, en calidade de Director Xeral da Fundación Catedral de Santiago, segundo nomeamento efectuado en data 15 de abril de 2011, elevado a público ante o notario D. José Antonio Cortizo Nieto, protocolo nº 910, de data 10 de maio de 2011 e en calidade de Apoderado Xeral da S.A.M.I. Catedral de Santiago, de Compostela, en virtude escritura de Poder outorgada ante o notario D. Manuel Fidalgo Paz, protocolo nº 417, de data 27 de abril de 2015.

As partes, segundo interveñen, recoñécense reciprocamente personalidade xurídica e a capacidade legal necesaria para se obrigaren en dereito e,

## **EXPOÑEN**

**Primeiro.-** Que a Vicepresidencia Primeira e Consellería de Presidencia, Xustiza e Turismo, conforme ao Decreto 214/2020, do 3 de decembro, é o departamento ao que lle corresponde a execución da política da Xunta de Galicia nas materias, entre outras, de Interior e Seguridade, así como de Turismo.

**Segundo.-** Que a Fundación Catedral Santiago ten entre os seus fins, a promoción, fomento e difusión da Catedral de Santiago de Compostela, o seu entorno e o seu patrimonio artístico e cultural, así como a xestión, explotación e posta en valor das infraestruturas da Catedral de Santiago, o seu entorno e o seu patrimonio artístico e cultural.

**Terceiro.-** Que a S.A.M.I. Catedral de Santiago de Compostela é un singular monumento, que posúe valores históricos, artísticos e culturais de alto interese que a converten nun fito único no marco do patrimonio cultural europeo e que viu recoñecida a súa importancia e valía ao formar parte singular dos bens incorporados á lista do patrimonio mundial da UNESCO: a Cidade Vella de Santiago de Compostela, da que constitúe o seu principal monumento e o Camiño de Santiago do que é meta e obxectivo final de peregrinación. A S.A.M.I. Catedral de Santiago de Compostela é un templo de culto católico, que acolle o sepulcro do Apóstolo Santiago, motivo polo cal é un dos principais destinos de peregrinación de Europa.

**Cuarto.-** A consideración dos anos 2021 e 2022 como Anos Santos, cunha distancia temporal de once anos con respecto ao anterior (2010), converte ao Xacobeo 21-22 nun acontecemento excepcional e de transcendencia global que producirá unha afluencia peregrina moi importante, ligada ao espírito e á celebración do Xacobeo, o que implicará a necesidade de reforzar o persoal de seguridade no Complexo

Catedralicio (Templo e Oficina de Atención ao Peregrino), onde está previsto unha maior concentración de persoas.

**Quinto.-** O presente convenio de colaboración implica a concesión dunha subvención directa ao abeiro do disposto no artigo 19.4.c) da Lei 9/2007, do 13 de xuño, de subvencións de Galicia, xa que non é posible promover unha convocatoria pública, dada a especialidade do seu obxecto, xa que a Fundación Catedral de Santiago é a S.A.M.I. Catedral de Santiago de Compostela son as únicas entidades que poden realizar as actuacións deste Convenio, para os efectos establecidos nos artigos 19.4.c) e 26.2.a) da Lei 9/2007, do 13 de xuño, así como nos artigos 36.c) e 40.1.a) do Regulamento da dita Lei, aprobado polo Decreto 11/2009, do 8 de xaneiro.

En virtude do exposto, e co obxecto de fixar as condicións que rexerán tal colaboración, as partes conveñen celebrar este convenio, de conformidade coas seguintes

## **CLÁUSULAS**

### **PRIMEIRA.- OBXECTO DO CONVENIO**

Constitúe o obxecto deste convenio o establecemento das condicións para a colaboración entre a Vicepresidencia Primeira e Consellería de Presidencia, Xustiza e Turismo da Xunta de Galicia, a Fundación Catedral de Santiago é a S.A.M.I. Catedral de Santiago de Compostela, mediante a concesión directa dunha subvención destinada ao apoio e reforzo do persoal de seguridade necesario no Complexo Catedralicio (templo e oficina de atención ao peregrino) durante o ano 2021 do Xacobeo 21-22.

A actuación de reforzo do persoal de seguridade no templo da Catedral será executada pola Fundación Catedral de Santiago e o reforzo do persoal de seguridade na Oficina

de atención ao Peregrino será executada pola S.A.M.I. Catedral de Santiago de Compostela, en ambos casos, mediante empresas de seguridade privada.

## SEGUNDA.- ORZAMENTO E FINANCIAMENTO

O orzamento estimado para as actuacións previstas neste convenio ascende á cantidade de **573.926,27 €** que se distribúen do seguinte xeito:

BENEFICIARIO	CONCEPTO	IMPORTE
Fundación Catedral de Santiago.	Servizo de vixilancia de seguridade no Templo	402.870,76 €
	Servizo de auxiliares no Templo.	48.966,26 €
S.A.M.I Catedral de Santiago de Compostela	Servizo de vixilancia de seguridade na Oficina de atención ao Peregrino	41.686,92 €
	Servizo de auxiliares na Oficina do atención ao Peregrino	80.402,33 €
Total		573.926,27 €

A Vicepresidencia Primeira e Consellería de Presidencia, Xustiza e Turismo financiará as actuacións con cargo á aplicación orzamentaria 05.25.212A.480.1, proxecto 2021 00018 “seguridade e protección no Camiño de Santiago polo Ano Santo Xacobeo 2021” cunha achega de 573.926,27 € dos orzamentos xerais da Comunidade Autónoma de Galicia para o ano 2021.

Esta contía constitúe o importe máximo da subvención, quedando por conta das entidades a posible diferenza de financiamento necesario para a execución do obxecto do presente convenio.

A achega da Vicepresidencia Primeira e Consellería de Presidencia, Xustiza e Turismo fíxase como un importe certo e sen referencia a unha porcentaxe ou fracción do orzamento estimado, para os efectos do disposto no artigo 21.2 do Regulamento da Lei de Subvencións de Galicia, aprobado polo Decreto 11/2009, do 8 de xaneiro

Estas achegas canalizarase a través de dunha subvención concedida polo procedemento de concesión directa, de acordo co establecido nos artigos 19. 4. c) e 26 da Lei 9/2007, do 13 de xuño, e 36.c) e 40 do seu regulamento.

A Vicepresidencia Primeira e Consellería de Presidencia, Xustiza e Turismo procederá ao pagamento da subvención a favor das entidades, unha vez que estas presenten a documentación xustificativa establecida na cláusula sétima e se comprobem as axeitadas xustificacións, sen prexuízo do establecido na cláusula oitava.

### **TERCEIRA.- GASTOS SUBVENCIONABLES**

De acordo co previsto no artigo 29 da Lei 9/2007, do 13 de xuño, consideraranse subvencionables os gastos que, sen admitir dúbida, respondan á natureza da actividade subvencionada, de acordo coas previsións de orzamentos recollidos na cláusula segunda e que se realicen a partir do 1 de xaneiro de 2021.

Conforme ao artigo 29.7 da Lei 9/2007, do 13 de xuño, os gastos financeiros, os gastos de asesoría xurídica ou financeira, os gastos notariais e rexistrals e os gastos periciais para a realización dos proxectos subvencionadas e os de administración específicos son subvencionables se están directamente relacionados coa actividade subvencionada e son indispensables para a adecuada preparación ou execución da mesma.

O importe correspondente ao IVE só poderá ser imputado ao convenio na contía que non sexa recuperada ou compensada polas entidades, o cal deberá ser acreditado por estas mediante unha declaración responsable coa xustificación do convenio.

## **CUARTA.- COMPROMISO DAS PARTES**

1. A Fundación Catedral de Santiago e a S.A.M.I. Catedral de Santiago de Compostela obríganse a realizar todas as actuacións precisas para o correcto desenvolvemento deste convenio, para o que se comprometen a :

- 1.1 Levar a cabo as actuacións obxecto do convenio e o cumprimento da súa finalidade.
- 1.2 Incluír en toda a documentación e soportes específicos para o proxecto, que se trata dunha actuación con financiamento da Xunta de Galicia, e incluír a marca do Xacobeo 21-22, de acordo co manual de identidade visual, aprobado polo Decreto 167/2018, do 29 de novembro, polo que se regula a utilización da marca Xacobeo 2021 (DOG nº1, do 2/01/2019).
- 1.3 Achegar a información que lles sexa requirida pola Intervención Xeral da Comunidade Autónoma, o Consello de Contas e o Tribunal de Contas, no exercicio das súas funcións de fiscalización e control do destino da subvención.
- 1.4 Comunicar Vicepresidencia Primeira e Consellería de Presidencia, Xustiza e Turismo a obtención doutras subvencións, axudas, ingresos ou recursos que financien as actividades subvencionadas procedentes de calquera administración ou entes públicos ou privados nacionais ou internacionais. Esta comunicación deberá efectuarse tan pronto como se coñeza e, en todo caso, con anterioridade á xustificación da aplicación dos fondos recibidos.
- 1.5 Presentar, antes da sinatura deste convenio, os certificados de atoparse ao corrente no cumprimento das obrigas tributarias e fronte á seguridade social e de non ter pendente de pagamento algunha outra débeda coa Administración pública da Comunidade Autónoma, así como unha declaración responsable de



non estar incursas en ningunha das prohibicións para obter a condición de beneficiario, establecidas no artigo 10 da Lei 9/2007, do 13 de xuño, de conformidade co previsto nos artigos 11 e 13 do seu Regulamento.

1.6 Subministrar á Vicepresidencia Primeira e Consellería de Presidencia, Xustiza e Turismo, en virtude do disposto no artigo 4 da Lei 1/2016, do 18 de xaneiro, de transparencia e bo goberno, e previo o seu requirimento, toda a información necesaria para o cumprimento, pola Consellería, das obrigas impostas no Título I desa Lei.

1.7 As demais obrigas previstas no artigo 11 da Lei 9/2007, do 13 de xuño, que resulten aplicables.

2. A Vicepresidencia Primeira e Consellería de Presidencia, Xustiza e Turismo obrígase a realizar as achegas económicas establecidas na cláusula segunda, como concesión directa de subvencións á Fundación Catedral de Santiago e á S.A.M.I. Catedral de Santiago para a realización das actuacións previstas no presente convenio.

#### **QUINTA.- COMPATIBILIDADE**

A achega económica prevista no presente convenio será compatible con outras subvencións, axudas, ingresos ou recursos para as mesmas finalidades, procedentes de calquera Administración ou entes públicos ou privados, nacionais, da Unión Europea ou Organismos Internacionais.

De conformidade co previsto no artigo 17.3 da Lei 9/2007, do 13 de xuño, os importe da subvención en ningún caso poderán ser de tal contía que, illadamente ou en concorrencia con outras subvencións, axudas, ingresos ou recursos, superen o custe das actividades subvencionadas.

## **SEXTA.- INEXISTENCIA DE RELACIÓN LABORAL**

A subscrición do presente convenio non implicará relación laboral ou de calquera outra natureza entre a Vicepresidencia Primeira e Consellería de Presidencia, Xustiza e Turismo e as persoas ou profesionais que desenvolvan as accións que constitúen o obxecto do mesmo, de tal xeito que non se lle poderá esixir responsabilidade algunha, directa nin subsidiaria, por actos ou feitos acaecidos no desenvolvemento deste.

## **SÉTIMA.- XUSTIFICACIÓNS E PAGAMENTO**

1. A xustificación dos fondos efectuarase segundo a modalidade de conta xustificativa, de acordo co previsto nos artigos 28 da Lei 9/2007, do 13 de xuño, e do artigo 48 do seu Regulamento, para o que a Fundación Catedral de Santiago e a S.A.M.I. Catedral de Santiago de Compostela deberán presentar para as actuacións que lles corresponden executar a cada unha delas:

1.1 Memoria de actuación xustificativa do cumprimento das condicións impostas na concesión da subvención, con indicación das actividades realizadas e dos resultados obtidos.

1.2 Memoria económica xustificativa do custe das actividades realizadas, que conterá con:

1.2.1 Relación clasificada dos gastos da actividade, con identificación do acredor e do documento, o seu importe, a data de emisión e, no seu caso, data de pagamento.

1.2.2 Facturas en documentos de valor probatorio equivalente no tráfico xurídico-mercantil ou con eficacia administrativa, incorporados na relación á que se fai referencia no apartado anterior, e a documentación acreditativa do pagamento.

Exceptúanse aqueles gastos cuxos pagamentos deban efectuarse nun momento posterior por axustarse aos calendarios de recadación, como os ingresos a conta do IRPF ou cotas por seguros sociais liquidables con posterioridade á data de xustificación. O importe destes ingresos ou cotas considerarase xustificado coa presentación do documento de gasto (factura ou equivalente) en que se reflicta o importe da retención ou cotización devindicadas na data de xustificación.

- 1.2.3 Os documentos acreditativos dos gastos realizados con medios ou recursos propios e a indicación, no seu caso, dos criterios de reparto dos custes xerais e/ou indirectos incorporados na relación á que se fai referencia no punto 1.2.1. anterior.
  - 1.2.4 Relación detallada doutros ingresos ou subvencións que financien a actividade subvencionada, con indicación do importe e da súa procedencia.
  - 1.2.5 De ser o caso, os tres orzamentos que, en aplicación do artigo 29.3 da Lei de Subvencións de Galicia deba solicitar o beneficiario, salvo que polas especiais características non exista no mercado suficiente número de entidades que as realicen, presten ou subministren, ou salvo que o gasto se houbera realizado con anterioridade á sinatura do convenio.
  - 1.2.6 No seu caso, a carta de pagamento de reintegro no suposto de remanentes non aplicados así como dos xuros derivados destes.
2. Así mesmo, deberá remitirse o detalle da documentación e soportes publicitarios nos que conste a colaboración da Xunta de Galicia e a marca do Xacobeo 21-22.
  3. Deberán indicarse os números de conta para os ingresos dos fondos e xuntar unha declaración responsable da veracidade dos datos relativos a esas contas.

4. As entidades tamén deberán presentar os certificados de atoparse ao corrente no cumprimento das súas obrigas tributarias fronte á Seguridade Social e de non ter pendente de pagamento algunha outra débeda coa Administración pública da Comunidade Autónoma, así como unha declaración responsable de non estar incursas en ningunha das prohibicións para obter a condicións de beneficiarias, establecidas no artigo 10 da Lei 9/2007, do 13 de xuño, de conformidade co previsto nos artigos 11 e 13 do seu Regulamento.

5. Á vista da documentación anterior, a Dirección Xeral de Emerxencias e Interior da Vicepresidencia Primeira e Consellería de Presidencia, Xustiza e Turismo comprobará a realización das actividades e o cumprimento da finalidade das subvencións e, unha vez comprobado, expedirá certificación acreditativa das verificacións realizadas e tramitará os pagamentos correspondentes.

A Consellería resérvase o dereito a solicitar toda a documentación precisa que veña establecida na normativa reguladora de subvencións en relación coas xustificacións do convenio.

6. O prazo para presentar a documentación xustificativa das subvencións será dende a formalización deste convenio ata o 20 de decembro de 2021.

A documentación correspondente ás xustificacións presentarase de forma electrónica a través da sede electrónica da Xunta de Galicia (<http://sede.xunta.gal>).

7. Se os investimentos xustificados fosen menores aos previstos nos orzamentos estimados para cada unha das actuacións subvencionadas obxecto do presente convenio referidos na cláusula segunda, e sempre que se cumpra coa finalidade para a que se concedeu a subvención, procederá o pagamento nas contías que sexan obxecto de xustificación. De conformidade co disposto no citado artigo 21.2 do Regulamento da Lei 9/2007, do 13 de xuño, soamente deberán ser reintegradas ou, no seu caso, minoradas as achegas, polo importe que supere o custo total das actividades.

8. En todo caso, non se entenderá incumprida a obriga de xustificación das actuacións deste convenio, nos casos de variacións das contías previstas nas distintas partidas establecidas en cada un dos orzamentos estimados da cláusula segunda para cada actuación, cando obedezan a razóns xustificadas e as actuacións que se levaran a cabo garden relación directa co obxecto do presente convenio e se compensen uns conceptos con outros, conforme ao previsto no artigo 74.2 do Regulamento da Lei 9/2007, do 13 de xuño.

#### **OITAVA.- PAGAMENTOS ANTICIPADOS E A CONTA.**

1. Poderanse realizar pagamentos anticipados que suporán entregas de fondos con carácter previo ás xustificacións, conforme ao artigo 63.1. Un do Regulamento da Lei 9/2007, do 13 de xuño, de ata un 80 % sobre os primeiros 18.000 €, e dun 10 % adicional sobre o importe que exceda dos 18.000 €, para cada unha das subvencións.

Así mesmo, poderanse realizar pagamentos a conta, conforme ao artigo 62 do devandito Regulamento, que poderán supoñer a realización de pagamentos fraccionados que responderán ao ritmo de execución das accións realizadas para cada unha das subvencións. Para proceder ao seu pagamento, a Fundación Catedral de Santiago e a S.A.M.I. Catedral de Santiago deberán enviar a documentación xustificativa relacionada na cláusula sétima.

2. A suma dos pagamentos anticipados e a conta non será superior ao 80% da porcentaxe subvencionada correspondente aos pagamentos xustificados en cada unha das subvencións. No caso dos pagamentos a conta esta porcentaxe poderá modificarse se así se autoriza polo Consello da Xunta de Galicia, nos termos establecidos no artigo 62.4 do Regulamento da Lei 9/2007, do 13 de xuño.

3. Conforme ao disposto no artigo 65.4.f) do citado Regulamento, a Fundación Catedral de Santiago e a S.A.M.I. Catedral de Santiago de Compostela están exentas da obriga de prestar garantía en pagamentos anticipados e á conta.

## **NOVENA.- REINTEGRO**

Procederá o reintegro parcial ou total da subvención nos supostos previstos no artigo 33 da Lei 9/2007, do 13 de xuño, e conforme ao previsto no Título V do seu Regulamento.

No caso de que se produza exceso das subvencións percibidas de distintas entidades públicas, a entidades beneficiarias deberán reintegrar ese exceso, xunto cos xuros de demora que correspondan, nos termos previstos no artigo 23 do Regulamento da Lei 9/2007, do 13 de xuño.

## **DÉCIMA.- COMISIÓN DE SEGUIMIENTO**

Coa finalidade de asegurar o cumprimento deste convenio crearase unha comisión paritaria que estará integrada por un representante de cada unha das entidades beneficiarias e por dos representantes da Vicepresidencia Primeira e Consellería de Presidencia, Xustiza e Turismo, ostentando un destes últimos a súa presidencia.

A Comisión actuará conforme ao previsto no Capítulo II do Título Preliminar da Lei 40/2015, do 1 de outubro, de réxime xurídico do sector público, e terá as seguintes funcións:

- a) Facer o seguimento e control do desenvolvemento do convenio.
- b) Propoñer a interpretación e resolución das dúbidas que se poidan suscitar na aplicación do Convenio.

Non obstante o anterior, todas aquelas cuestións que se susciten en relación cos outorgamentos, cumprimentos, xustificacións e pagamentos, así como os reintegros e determinación das posibles responsabilidades relativas ás subvencións concedidas serán resoltas pola Vicepresidencia Primeira e Consellería de Presidencia, Xustiza e Turismo.

## **DÉCIMO PRIMEIRA.- MODIFICACIÓN DO CONVENIO**

Toda alteración das condicións tidas en conta para a concesión das subvencións dará lugar á modificación do convenio, para o que serán de aplicación as previsións contidas na Lei 9/2007, do 13 de xuño, e no seu Regulamento.

Calquera modificación do presente convenio deberá acordarse de xeito expreso e por escrito das partes asinantes, e conforme á normativa vixente.

Así mesmo, e de conformidade co disposto no artigo 31.4 da Lei 14/2013, do 26 de decembro, de racionalización do sector público autonómico, os convenios subscritos pola Administración xeral da Comunidade Autónoma poderán ser obxecto de modificación cando teñan como finalidade o logro dos obxectivos de estabilidade orzamentaria e sustentabilidade financeira.

## **DÉCIMO SEGUNDA.- CAUSAS DE RESOLUCIÓN**

Serán causas de resolución do presente convenio as seguintes:

- a) O incumprimento do seu obxecto.
- b) O incumprimento total ou parcial de calquera das cláusulas que nel se establecen.
- c) O acordo unánime das partes asinantes.
- d) A decisión xudicial declarativa da nulidade do convenio.

## **DÉCIMO TERCEIRA.- NATUREZA XURÍDICA E XURISDICIÓN COMPETENTE**

O presente convenio ten natureza administrativa, quedando fora do ámbito da Lei 9/2017, do 8 de novembro, de contratos do sector público, que os exclúe expresamente no seu artigo 6.

Seralle de aplicación a este convenio o réxime determinado pola Lei 9/2007, do 13 de xuño, de Subvencións de Galicia; o seu Regulamento, aprobado polo Decreto 11/2009, do 8 de xaneiro; os preceptos básicos da Lei 38/2003, do 17 de novembro, xeral de subvencións e do Real decreto 887/2006 que a desenvolve; a Lei 1/2016, do 18 de xaneiro, de transparencia e bo goberno; a Lei 39/2015, do 1 de outubro, do Procedemento Administrativo Común das Administracións Públicas; a Lei 40/2015, do 1 de outubro, de Réxime Xurídico do Sector Público, e polas demais normas de dereito administrativo aplicables e, no seu defecto, polas normas de dereito privado.

As controversias derivadas da aplicación ou interpretación do presente convenio serán resoltas en última instancia pola persoa titular da Vicepresidencia Primeira e Consellería de Presidencia, Xustiza e Turismo, cuxas resolucións poñen fin á vía administrativa.

Será competente a xurisdición contencioso-administrativa para resolver na vía xurisdiccional as citadas controversias.

#### **DÉCIMO CUARTA.- PUBLICIDADE E REXISTRO DO CONVENIO**

En cumprimento do disposto nos artigos 18 e 20.8 da Lei 38/2003, do 17 de novembro, xeral de subvencións, comunicarase a subscripción deste convenio á Base de Datos Nacional de Subvencións que opera como sistema nacional de publicidade de subvencións.

Segundo o artigo 17 da Lei 1/2016, do 18 de xaneiro, ademais da información que debe facerse pública segundo a normativa básica en materia de transparencia, a Vicepresidencia Primeira e Consellería de Presidencia, Xustiza e Turismo publicará o texto íntegro do convenio.

Ademais do anterior, aplicarase o previsto no artigo 15 da Lei 1/2016, do 18 de xaneiro, de transparencia e bo goberno sobre as obrigas específicas de información sobre convenios.

Procederáse tamén á inserción do convenio no Rexistro Público de Subvencións, conforme ao establecido no artigo 16 da Lei 9/2007, do 13 de xuño, e no Decreto 132/2006, do 27 de xullo.

### **DÉCIMO QUINTA.- PROTECCIÓN DE DATOS DE CARÁCTER PERSOAL**

As partes asinantes responsabilizaranse de que calquera tratamento de datos persoais que se puideran levar a cabo en virtude deste convenio se efectúe con absoluto respecto ás normas de seguridade, e conforme ao establecido no Regulamento 2016/179 (UE), Xeral de Protección de datos, na Lei Orgánica 3/2018, do 5 de decembro, de protección de datos persoais e garantía dos dereitos dixitais, e demais normativa concordante.

Os datos persoais das persoas físicas asinantes do Convenio serán tratados polos asinantes unicamente para a adecuada formalización e desenvolvemento do mesmo, e en base ao disposto no artigo 6.1.b do Regulamento 2016/179 (UE).

### **DÉCIMO SEXTA.- NOTIFICACIÓN ELECTRÓNICA**

Segundo o artigo 14.2 da Lei 39/2015, do 1 de outubro, do Procedemento Administrativo común das Administracións Públicas, a Fundación Catedral de Santiago e a S.A.M.I. Catedral de Santiago son entidades que están obrigadas a relacionarse por medios electrónicos coas administracións públicas.

Por tanto, as notificacións realizaranse só por medios electrónicos a través do Sistema de Notificación Electrónica de Galicia Notifica.gal (<https://notifica.xunta.gal>), tendo en conta que para acceder a unha notificación electrónica, as entidades deberán contar

cun certificado electrónico asociado ao NIF que figure como destinatario da notificación; e que, ademais, poderán autorizar a calquera outra persoa para acceder ao contido das súas notificacións.

### **DÉCIMO SÉTIMA.- VIXENCIA**

O presente convenio estenderá a súa vixencia desde a data da súa sinatura ata o 31 de decembro de 2021.

E en proba de conformidade, as partes asinan este convenio.

O Vicepresidente Primeiro e Conselleiro de Presidencia, Xustiza e Turismo

O director xeral da Fundación Catedral de Santiago e apoderado xeral da S.A.M.I. Catedral de Santiago de Compostela

D. Alfonso Rueda Valenzuela

D. Daniel Lorenzo Santos